



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome Tribvnalis Sacramentalis Reverendissimi Patris Petri Marchantii

Zurmöllen, Heinrich

Neuhusii, 1677

Reverendissimo, Praenobili & Eximio Patriac Domino, Dominio Lavrentio à
Dript ...

urn:nbn:de:hbz:466:1-9734

*Reverendissimo, Prænobili & Eximio
Patri ac Domino,*

D O M I N O
L A V R E N T I O
à D R I P T

Ordinis S. Bened. in Gladbach pro-
fesso, S. Theol. Lectori, Reverendissimi ac
Celsissimi Principis & Episcopi Paderbornensis,
in Ecclesiast. Consiliario, nec non in Spiritual.
Commis. Generali.

Patrono suo Colendissimo.

E Pitomen Tribunalis Sacra-
mentalibus, piæ memoriæ Pa-
tris Petri Marchantij Con-
cinnavi, sed in lucem prodire vere-
tur, nisi Reverendissimæ Paternita-
tis tuæ, sublevetur favonijs, & beni-
gnissimi favoris suffulciatur ample-
xibus. Liceat itaq; mihi humili Ty-
pographica servitorum meorū ex-
hibitione, te venerari, te inquam:
qui irrequieto Religionis & Eccle-
siasticæ perfectionis volatu sublima-

D E D I C A T I O.

tus, Paderæ Diæcesin, in spiritualibus regis, foves, instruis. Non enim debet humore Typico præsens opusculum, aliorum novellos oculos conjicere, quam in eum, qui Commissarius Generalis in Spiritualibus, per districtum Paderanum constitutus, statui Ecclesiastico, Religioni conservandæ, hæresi ac delictis extirpandis, vigil Argus Zelosissime prospicis, & ita terra altior, terrena fastidis ac calcas, ut per virtutum tuarum scalam, ad hoc Ecclesiasticarum dignitatum Culmen conscenderis, & ut plus ultra ascendas meritissimus existas. Ita ut de te dictum intelligam, quod de Antonio pronunciavit Ennodius in ejusdem vita: quamvis (inquit) de splendore conscientia jubar hauseris, tamen fulgorem stirpis, præcipue morum radijs obumbrasti, vincens decorem

fan-

DEDICATIO.

sanguinis ingenij claritate, dum coruscantem generis tui lampadem, actuum serenitate transcendis, & factus es tui stematis victor, per quod plerosque nascendo superasti. Et quamvis non ignorem, modestiam tuam ab omni Laudum alienarum Lenocinio maxime alienam esse, tamen virtutum tuarum gloriam nequaquam minues, si mihi indulseris, ut ex innumeris paucas, quæ omnibus notæ perspectæque sunt, attingam: Prodit autem ad primum Reverendissimæ Paternitatis tuæ obtutum, ardens in Virginem Deiparam amor, ejusque honoris ab omni injuriarum ac calumniarum incursum vindicandi, intensissimū studium, quod diversi tam ad ejus cultum promovendum, quam honorem à calumnijs vindicandum, à te doctissime editi libri, S. Matri Ecclesiæ luce

D E D I C A T I O.

clarius demonstrant, deinde humanitas in colloquendo, circumspecta in perperam agentes lenitas, in pauperes charitas, in quosvis munificentia principalis, deniq; animi dotum Elenchum claudit, promptissimum & ad omnia summa versatile ingenium, & efficax illa in te notatur virtutis species, quæ (teste Eusebio) oculis puris ostensa, mox omnes rapit in amorem sui, quâ & ego raptus benevolentia tua fastigio, presentem dedico, consecro, substerno, libellum. Contemplare itaque, in hoc tibi dedicato opusculo, tibi devinctissimi animi obsequiû, benignoq; digneris intuitu, quod è cordis sinu depromptum tibi sisto. Vale, & Religioni Ecclesiae, ac defensionis B. Virg. Mariae, diutissime vive. Ita precor

Reverendiss. Prænob. ac Eximie Paternitatis Vestræ obsequiosissimus

F. Henricus Zurmöllen.